

Porojeke ya Dikolo tsa Ubuntu: **The Girl Effect Camp**

Jaaka karolo ya Girl Effect Camp, eo e neng ya tlhomiwa ka 2021, bokana ka palo ya basetsana ba bannye ba le 40 go tswa go ralala Dikolo tsa Ubuntu di le nne ba ne ba tlhophiwa go tsaya karolo mo lenaneong le le tseneletseng e bile le na le ditlamorago tse di molemo. Maithomo a lenaneo ke go maatlafatsa le go naya barutwana bokgoni jwa go mekana le botshelo.

Kampa e e tshwarwang magareng ga 5 Diphilane go ya go 7 Diphilane 2022 kwa Middelspos, e ne e tsamaisiwa ke badirediloago ba Sekolo sa Ubuntu, mme motsamaisi wa konokono e le Moithutatlhologanyo wa porofesenale. Basetsana ba nnile le karolo mo ditirong tse di ba thusang go ikitse ka bobona le dipuisano ka bongwe. Gape ba nnile le tshono ya go arolelana tseo di diragalang mo matsheleng a bona le tsela e ba bonang le go ikamanya le maitemogelo ano mo go itemogeng ga bona.

"Ke leboga thata go bo ke nnile karolo ya lenaneo leno gonne le nthutitse go itshepa thata," go buile a le mongwe wa barutwana bao ba neng ba tsenitse kampa.



Tlhokomelo ya Senthara ya **Simba ECD**

Senthara ya Simba ECD, kwa baaging ba Olifantshoek, e tlhophilwe ke REISA Solar go amogela tshegetso ya ditlhoko tsa motheo. Seno ke karolo ya togamaano ya REISA go tlamela ka tshegetso e e tlhokegang thata go disenthara tsa ECD mo kgaolong gore go nne le disenthara tsa ECD tseo di tsamaisiwang ka nonofo le ka go lekana, ka di thusa go baakanyetsa bana ba bannye sekolo sa thuto e e potlana.

Jaaka karolo ya lenaneo leno la tshegetso, REISA Solar e thapile moneeladitirelo wa selegae go rekela senthara tanka ya metsi le pompo e e ntshang metsi. Pompo e e ntshang metsi, eo e tshwaragantsweng le mo metsi a tswang gona, e tlamela metsi ka tlhamalalo go senthara ya ECD. Go tlaleletsa, diitshamekisi tsa thuto di ne tsa abelwa senthara ka Ferikgong 2023.

Tlhabololo ya Kgwebo

Frik and Sons, SMME ya selegae e e fihelwang kwa Kathu, e ikungwela molemo go tswa mo Lenaneong la Tlhabololo ya Kgwebo la REISA, leo le ikaelelang go tlamela borakgwebo ba selegae ka bokgoni jwa kgwebo jo bo maleba go godisa dikgwebo tsa bona semolao.

Khamphani e ikamagantse le lenaneo ka 2019, e tsaya karolo go metseletsele ya diihuto go ba thusa go nna kgwebo e e tswelletseng sentle. Dingwaga di le tharo e ntse e le mo lenaneong, Frik and Sons e itshupile go nna e le nngwe ya dikhamphani tse di tswelletseng go gaisa.



"Se kgwebo ya rona e se lebeletseng thata ke go tlamela badirisi ka difirelo ka nako, tse di tlothwa tlase e bile di na le boleng. Re dumela gore khamphani ya rona e na le boleng jwa go beeletsa mo go yona e bile re batla go leboga REISA le RAIZCORP ka go re tlhopho go nna karolo ya lenaneo la bona." – Frik le Destiny, beng ba Frik and Sons.

Porojeke ya Itekanelo- Ditirelo tsa Occupational Therapist go Dikolo tse di Potlana

Tirelo ya occupational therapist e ne ya nwa konteraka go dira tsamaiso ya go lekola barutwana ba le 50 ba ba supilweng ba Mophato 1 kwa dikolong tse di potlana tsa Ubuntu, go dikologa Mmasepala wa Selegae wa Gamagara. Porojeke eno ya itekanelo ke karolo ya Lenaneo la REISA la Dikolo tsa Ubuntu la Tsereganyo ya Modirediloago.

Lenaneo le ikaelela go supa mabaka a a thibelang barutwana go ithuta ka nonofo. Kgato ya ntlha ya porojeke e ne ya wediwa ka go tlhathoba barutwana go bona gore ke mefuta efe ya diisereganyo eo e tla dirisiwang go samagana le dikgoreletsi tsa go ithuta.

Karolo ya occupational therapist e tla nna go neela ka dikaeledi ka ga dikgato thuso go fithelela diihuto tsa bona le go ruta batsadi go tihalaganya botoka bana ba bona ba ba nang le diihoko tse di kgethegileng.




Dikopano Tsa Baagi

Dintlha ka ga dikgokaganano tsa baagi tse di latelang di tla buisanelwa mo dipolatheforomong tsa REISA tsa mo moweng gonne dikopano tsa sebele di sa letlelelwa mo nakong e ya taolo ya motsamano ya bosesha.

Madi a a Dirisitsweng go Tlhabololo ya Ikonomi: Kotara 4 2022

- Tlhabololo ya Kgwebo
- Thuto
- Tlhabololo ya Bokgoni jwa Bašwa
- Katlaatlalelo



Golaganya Le Rona

REISAccommunity

Dynlog Management Development Building
Block B, Ground Floor, Office 1
Kameeldoring Business Zone, Kathu, 8446

Diura tsa Tiro:

Monday – Thursday: 08:00 – 16:30
Friday: 08:00 – 15:00
Office | 053 723 1146

Community Liaison Officer

Nomfundo Mpompo
Office | 053 723 1146
Nomfundo.mpompo@eimsafrica.com